





# Аъттарның бир дугаар область делгелгезиниң болгаш ийи дугаар шенелдезиниң база аът спортуниң маргылдаазының түңнели

Чылгы малдың баш санын көүдөдир, уксаалыг чылгы мал ажылын сайзырадыр талазы-биле колхозтарның, совхозтарның, көдээ ажил-агыйның область Эргелелиниң болгаш район киддистериниң ажылын демделгээр, чылгы мал ажылынга мурнакчы ажил-агыйларның дуржулгаларын солчур болгаш нелпердир база чылгы мал ажылының эки аялдакчыларын демделеп, оларды шаанаар, диплом тыпыр соруда-биле аъттарның бир дугаар область делгелгезин болгаш ийи дугаар шенелдезин база аът спортуниң маргылдаазын чоокта чаа эрттирген.

Бо чылдың сентябрь 27-ден октябрь 15-ке чедир чорутунган аъттарның бир дугаар область делгелгезинге болгаш ийи дугаар шенелдезинге база аът спортуниң маргылдаазына колхозтарның, совхозтарның, күрүнениң аът заводунун болгаш көдээ ажил-агыйның дуржулга станциязының 150 ажыг эң эки аъттары киришкен.

1015 километрге аъттарның шыдамыйкын көөрү болгаш 20 километрге аът чарыгы болза бо шенелделерин иштинде онза шенелде болган.

Аъттарның шыдамыйкын көөр бо шенелдеге чүк тырттар тыва аъттар, дон уксаа-биле тыва чылгыны хайнакташтырганындан үнген аъттар болгаш Тываның мунар аъттары — шупту 11 аът киришкен. Бо шенелде 11 хүнүнү дугузунда 1015 километрини эртип, хонукта ортумак дүргени 92 километр чораан. Аът бүрүзүне ниити чүк 100 килограмм чедир чораан. Бо шенелдеге Каа-Хем районунун «Победа» колхозунун тыва бсра ады тилеп үнген. Оон муңкузуу И. Терге-оол. Танды районунун «Кызыл партизан» колхозунун И. Лантухов мунган «Казбек» деп аскыра ийи дугаар чер эжелээн. Оларның бирээзин 1000 рубль-биле, бирээзин 750 рубль-биле шаанаан.

Октябрь 14-те Кызылдың чаа кылган ипподромуна шөлүнге аъттарның бир дугаар область делгелгезиниң болгаш аът спортуниң маргылдаазының түнел көрүжү болган. Ол хүн Кызылдың каш муң чурттакчылары, райондардан келген кижилер ипподромга барып, областтың эки чылгы малының делгелгезин, спорт маргылдаазын көңүг сонуурган көргөнгөн.

Дүрген чарыштын маргылдаазына 10 ажыг аът киришкен. Тес-Хем районунун Сталин аттыг колхозунун С. Базаң мунган ады 20 километрге 32 минутта магнааш, бир дугаар чер эжелээн. Кызылдың көдээ районунун «Победа» колхозунун Кечил-Яндар мунган шоккар ады 32,21 минутта, база ол районунун «Совет Тыва» колхозунун Чыргал-оол мунган кара-ой ады 33,0 минутта магнааш, ийи, үш дугаар черлерни эжелээннер. Оларга 200-тен 500 рубль чедир шааналдарны тывыскалаан.

Тываның чүк тырттар малдарындан доң, буденноочу уксаалар-биле тыва малдары эдериштирип тургаш кулуннар доруктуруп алыр талазы-биле эң эки көргүзүлгелер болганы дээш Танды районунун «Кызыл партизан», Эрэин районунун «Чаа орук» колхозтары бирги чергениң дипломнарын, бир дугаар шаанал 1000—1000 рубльдерин болгаш өртектик белектерни алганнар. Ийиги чергениң дипломнарын, 750 рубль түнүг ийи дугаар шааналды болгаш өртектик белектерни Улуг-Хем районунун «Свобода труда», Каа-Хем районунун «Октябрь 30 чыл ою», Танды районунун Буденный аттыг колхозтары алгылаан. Үшкү чергениң дипломнарын, 500 рубль түнүг үш дугаар шааналды Танды районунун «Революцияның чалбыжы», Эрэин районунун «Кызыл сылдыс», Бии-Хем районунун «Кызыл тараачы» колхозтары алгылаан.

Тес-Хем районунун Сталин аттыг колхозун төве ажылын сайзыраткан дээш 500 рубль-биле шаанаан.

Ипподромунун чазагы оруунга долгандыр магнаарына Бии-Хем районунун «Кызыл тараачы» колхозунун дон уксаа-биле тыва малды хайнактаанындан үнген «Салют» деп аскыра кончуг чүгүрүүн көргүзүп, 4200 метрге 6 минута 11,4 секундта магнаан, оон муңкузуу эш Авчаров. Көдээ ажил-агыйның дуржулга станциязының Золотухин мунган «Нагана» деп 2,5 харыг бези 2200 метрге 4 минута 1,5 секундта магнаан.

Каа-Хем районунун «Октябрь 30 чыл ою» колхозунун Сайдачаков мунган «Помир» деп аскыра 4200 метрге 5,45 минутта магнааш, кончуг чүгүрүүн көргүскен. Улуг-Хем районунун «Свобода труда» колхозунун К. Блинов мунган «Заседатель» деп аскыра 6200 метрге 8 минута 56,4 секундта магнааш, эки түнелди көргүскен.

Тес-Хем районунун Сталин аттыг

колхозунун С. Базаң мунган «Чүгүрүк дорук» деп тыва ады 8200 метрге 14,2 минутта магнааш дыка эки түнелди көргүскен.

Көдээ ажил-агыйның дуржулга станциязында орёлдун челер уксаа-биле тыва малды хайнактаанындан үнген «Мотор» деп аскыра 6200 метрини шүлде чарыжына 11,57 минутта чөлгеш, эки түнелди көргүскен.



Чурукта: аът спортуниң маргылдаазының киржикчилериниң чыскаалы.



Чурукта: аъттарның бир дугаар область делгелгезиниң болгаш ийи дугаар шенелдезиниң база аът спортуниң маргылдаазы.



Чурукта: 1015 километрге аъттарның шыдамыйкын көөр шенелдеге бир дугаар чер эжелээн Танды районунун «Победа» колхозунун бора ады. Муңкузуу И. Терге-оол.



Чурукта: 6200 метриниң шүлде чарыжына 11,57 минутта чөлгеш, бир дугаар чер эжелээн дуржулга станциязының орёлдун челер уксаа-биле тыва малды хайнактаанындан үнген «Мотор» деп аскыра. Сөзү Н. Рагулинни.

## Чылгычы Шалын Дагба

Тес-Хем районунун Берт-Даг сумузунда улгатыр катыштырган Ленин аттыг колхозтун бир кадат чылгычының чылгычы эш Шалын Дагба нийтлештирген малдарны өстүрер дугайында 3 чыл планын

ажыл-херек кырынга чедишкениң күөсидеринге дуржулгалыг ажылын көргүзүп турар.

Оон кадарып турар чылгычы чыл санында-ла эки семиртилгени ап турар, ылангы бо чылын одары

чөп таарыштырганы-биле эң эки семирээн. Ол бо чылын төрөөн 74 белерден 74 кулунарны бүрүн камгалап доруктурган.

С. САНДАН.

# Атомнуг чепсек дугайында „Правданың“ корреспондентизинге эш И. В. Сталинның харызын даштыкыда канчаар көрүп турары

## КЫДАТ УЛУС РЕСПУБЛИКА

ПЕКИН, 15. Атомнуг чепсек талазы-биле «Правданың» корреспондентизинге эш И. В. Сталинның харызын чүдүдүзүнген чагаалары парлаары кыдат солуннар үргүлчүлөп турар.

«Шуэчжиши журналды сөөлгү дугаарына «Правданың» корреспондентизинге эш И. В. Сталинның харызына таварыштыр муңуку чүдүлден аңгыда, эш И. В. Сталинның ол харызының ужурудузанын дугайында улуг чүдүлү база парлаан. «Кижилер төрөлгенин аас-кежинге өөрүшкү» деп эгелгил чүдүлде чугаалап турары болза: «Эш Сталинның харызы — совет чазактын ССРЭ-де атомнуг чепсектин бүдүрүлгезиниң дугайында моон мурнунда меделелгениң чаа бадыткаашкын болур. Эш Сталинның харызы америк империалистерге болгаш оон агресстик бодалдыгыларынга өлүмүг согушкуну берген. ССРЭ-де атомнуг чепсекти шенеп көрүп турарының дугайында дайын кысыкчыларының көдүрүп үндүрүп келгени шуугаашкынын чылдаганы болза, империалистер моон сонгаар атомнуг бомбаны монополдуг элекчилери болбазы-дыр».

Журналдын оон ыңай бижип турары болза, ССРЭ-де атомнуг чепсектин бар болуп турарының барымдаазы тайбының дайзынарынга дүвүрээзин болур болгаш тайбынга ынакшылдыг улустарга аас-кежик болур.

Атомнуг чепсекке «контроль» деп адаар америк империалистерниң савалынын дугайында чугаалавышаан, журналдың айтып турары болза, «америк контроль атомнуг чепсекти бүдүрерин хоругдаарыңче эвес, а ону бүдүрерин дүрүмчүдериң болдуруп турар. Бо болза, чаа дайын кысыкчыларының атомнуг бомбаны тайбын чурттакчылары узуткап кыраарына ажылаар дээнин көргүзүп турар-дыр. Бүгү делегейниң улустарына Каттышкан Штаттарның кирип турары «контроль» деп адаары ышкаш эвес, а Совет Эвилелиниң кирип турары ышкаш эзулуг контроль-херек. Эш Сталинның харызы бүгү делегейге тайбын орукту айтып турар. Бүгү делегейниң улустары улуг Сталинның тугунун адаанга улам-на сырый катыжар болгаш бурунгаар чоруур ужуруг».

И. В. Сталинның меделелиниң дугайында номчукчуларын чүдүдүзүнген чагаалары парлаары солуннар үргүлчүлөп турар. «Женьминьжао» солунун бо хүнгү дугаарына парлаан чагаазына, Пекинниң күрүнө университетиниң сту-

дентизи Цзя Цзяның бижип турары болза: «Бурунгаар депшилгелгил кижилер төрөлгениң улуг башкызы эш Сталин «Правданың» корреспондентизинге бодунуң харызы-биле чаа дайынның америк кысыкчыларына угдунмас согугну берген».

«Правданың» корреспондентизинге эш И. В. Сталинның харызын таарынып ханган номчукчуларын чагааларын «Пинъюаньжао», «Гириньжао», «Шуэчжишижао», «Дачжуньжао», «Суйюаньжао», «Неймынгуьжао» болгаш өске-даа солуннар парлап турар. «Гириньжао» солун Гириниң бир фабриказының ажилчынын чагаазын парлаан. Ында чугаалап турары болза, «Эш Сталинның харызы» күш-ажылды чаа тилелгелерге сорук кирип турар. Бистин улуг ажылыс Совет Эвилели тайбын дээш кезээде туржуп келген. Ол атомнуг чепсекти хоругдаарын негеп турар. Бо болза, Совет Эвилелиниң тайбынга кайгамчыктыг ынакшылдын көргүзүп турар-дыр. Бис эш Сталинның атомнуг чепсекти хоругдаар дугайында кыйгырынга байырлап тур бис. Чүгүл индиги язы орук-биле тайбын хандырып болур».

«Дачжуньжао» солунда, эш Сталинның харызы атомнуг чепсекти боттарынын ханыг планын боттадыларына ажылаарын күзеп турган америк агрессорларның карангы бодалдарына угдунмас согугну берген—деп чангыс эпсеткил-биле демделеп турар номчукчуларын чагааларын парлаан.

«Суйюаньжао» болгаш «Неймынгуьжао» солуннар эш Сталинның харызынын талазы-биле редакциянын чүдүлдерин парлааннар. Ында чугаалап турары болза, «Эш Сталинның харызы» болза, тайбын лагеринге өөрүшкүлүг болушкундур. Ол дээрге, тайбынның сорук кирикчизи Совет Эвилели болза, мажан-даа тилелтербес, мычангаш тайбынга ынакшылдыг лагерин күжү империалистериниң күжүнден ыракта ажыг деп чүвени база катап демделеп турар. Ол хары тайбынның херээн камгалаарына тайбынга ынакшылдыг бүгү кижилер төрөлгенин бүзүрелин быжыктырган болгаш атомнуг чепсек-биле тайбынга ынакшылдыг бүгү-ле кижилерни коргудуп сүртедип турган империалистериниң лагеринге база бир угдунмас согугну берген. Ам үеде Ыраккы Чөөн-чүккө тайбын дээш демиселчилерин мурнуку одуруунда туржуп, америк империалистерге удур демиселди чорудуп турар кыдат улус эш Сталинның меделелин бүрүнү-биле деткип турар».

## ПОЛЬША

ВАРШАВА, 15. Атомнуг чепсек талазы-биле «Правданың» корреспондентизинге эш И. В. Сталинның харызы—Польшаның хөй-ниитиниң кичээнгенин түвүнде «Штандар младых» солун «Правданың» корреспондентизинге эш И. В. Сталинның харызына холбаштырган чүдүлде—делегейге тергилдээр дээш кижилер көөр хөөн чок империалистиг планнарга база бир угдунмас согугну берген—деп бижип турар.

«Правданың» корреспондентизинге эш И. В. Сталинның харызы болза, дээрги империалистерни санажырыңче албадатпар тайбын болгаш социализм лагериниң улуг күшкүчүзүн илередип турар.

Эсесовчу четкерлерни чепсеглээш, эсесовчу араатанзыг чорукту база катап Кореяда дагынап үлгедип турар гитлержи өлүрүчүлериң салгакчыларына эш Сталинның харызы болза, база бир шыгымы сагындырыг болган.

Эш Сталинның сестери тайбынга изиг күзелдиг чер бөмбүрээзин бүгү улустарынын бүзүрелин болгаш айыыл чок чоруунуң хары-салгазын быжыглап, тайбын дайынын бүрүн тилээринге бүзүрелди улам-на быжыктырып, империалистериниң дайын белектелиниң талазы-биле чимезилгезинге удур бүгү делегейниң миллион-миллион бөдүүн кижилериниң чорудуп турар демиселинге дуза болуп турар.

## РУМЫНИЯ

БУХАРЕСТ, 15. Румынияда атомнуг чепсек талазы-биле «Правданың» корреспондентизинге эш И. В. Сталинның харызына холбаштыр хуралдар, митингилер эртирери үргүлчүлөп турар.

Бухарестиниң «Индустрия бумбукулай—б» деп пөс-таавы фабриказына хөй кижилиг митинги болган. Анаа чүве чугаалаан эң эки бүдүрүлгечи, күш-ажыл ордени болгаш күш-ажыл медалы шааналдыг Параскива Матейниң чугаалааны болза:

Миллион-миллион ак-сеткилди кижилерге улуг Сталинның үнү шынын үнү болур. Бистер бо хүн бүгү делегейниң ажылчы чоннары-биле кады база катап «Сталин—ол дээрге тайбын», «Сталин—ол дээрге амдырал» деп чугаалаар бис. Сталинчы сөстөр бүгү делегейге чангык ышкаш дүргени-биле чапты берген, атомнуг дайынның америк-англи болгаш өске-даа кысыкчыларында ону моондактаптар арга, күш чок. Эш Сталинның сөстери бөдүүн кижилериниң чүректеринде тайбындан үнелгил чүве чок кылдыр сагындырары-биле ханы синниккен.

## БОЛГАРИЯ

СОФИЯ, 15. Бо хүн «Работническо дело» солун «Тайбын дээш демиселге улуг Сталинның шыларангай сөстери чаа күштерни негеп турар» деп эгениң адаанга атомнуг чепсек талазы-биле «Правданың» корреспондентизинге эш И. В. Сталинның харызынын талазы-биле Болгариянын ажылчы чоннарынын чоруткан чагааларын парлаан.

Солун болза, чурттуң хоорайларына болгаш суурларына болгаш хуралдарга база беседаларга

эш И. В. Сталинның харызын чугаалажып турарынын дугайын дындадып турар.

Плевен округка хөй саныг дуралдар болгаш беседалар болулап эрткилээш.

Эш И. В. Сталинның харызына изин-биле байырлавышаан, цемент заводунун ажылчыны Милко Поповуң чугаалааны болза: «Совет Эвилели атомнуг бомбаны өске чурттарже халдарына эвес, а тайбынның камгалаарына ап турар».

Плевен околинниң Старосельцы суурунун тараачынарының хуралына күш-ажылчы чер ажылына кооперативниң бригаадары Горав Крачунов чүве чугаалаан. Оон чугаалааны болза, «Бо чыл болгар тараачынар бистин Төрөөн чуртувустун экономнуг болгаш политиктиг күчү-шыдалын быжыглап турар кончуг эки дүжүт-биле дайын кысыкчыларына харылааннар».

Бис эш И. В. Сталинның атомнуг чепсек талазы-биле чугаазына изин-биле байырлавышаан, бүгү делегейге тайбынны быжыктырып дээш тайбын күш-ажылымыс-биле ам-даа төлөпгит демисежиринге бөленистин дугайын меделеп тур бис».

## МООЛ АРАТ РАСПУБЛИКА

УЛАН-БАТОР, 15. Атомнуг чепсек талазы-биле «Правданың» корреспондентизинге эш И. В. Сталинның харызы бүгү чурттуң хөй-ниитиниң кичээнгенин түвүнде болдуру үргүлчүлөп турар. Эш И. В. Сталинның харызына холбаштыр улуттук бүдүрүлгелерге, ажил-агай, культур-чырыдышкын болгаш өске-даа организацияларга ажылчы чоннарын хөй кижилиг митингилери болуп эрткилээш.

Эш И. В. Сталинның меделелин бир эп-сеткил-биле байырлавышаан, митингилерин бүгү киржикчилери—бүгү делегейге тайбынның өлөнгөжи — күчү-шыдалыг Совет Эвилелиниң холунга атомнуг чепсек болза, америк-англи чаа дайын кысыкчыларына улуг согушкун болур—деп демделеп турарлар.

Улан-Баторда автомеханик заводун болгаш ыш фабриказынын коллективтериниң митингизинге шалыпчы ажылчы, Моол Арат Республиканын Улустун Улуг хуралынын депутаты Загдынның митингиниң бүгү киржикчилериниң ниити чүдүдүзүңгүлгези-биле чугаалааны болза: «Бис тайбын күш-ажылды кижилери бис. Бистер боттарымыстың шалыпчы күш-ажылымыс-биле тайбын херээн ам-даа быжыглаар болгаш улуг Сталинның меделелин бир үн-биле деткир ужуруг бис».

Моол солуннар эш И. В. Сталинның харызына таварыштыр ажылчынарын, араттарын, малчынарын, интеллигенттериниң болгаш чурттакчыларын аңгы-аңгы кезектериниң төлээлериниң хөй-саныг чугааларын парлаарын үргүлчүлөп турар. «Унэн» солунда чылгы мал дерилгези кылар фабриканың ажылчыны Аваредия бижип турары болза: «Эш И. В. Сталинның «Правданың» корреспондентизинге харызы Совет Эвилелиниң тайбынга ынакшылдыг быжыг политиказын болгаш оон чайгылыш чок күчү-шыдалын база катап көргүзүрениң илерелгези болур».

Октябрь мурнунуң күш-ажылчы социалистиг чарыжын калбарткан, дыка хөй ажылчы чоннар бүдүрүлгенин бедиткен чаа хүлээлгелерин ап турар.

## АВСТРИЯ

ВЕНА, 15. Атомнуг чепсек талазы-биле «Правданың» корреспондентизинге эш И. В. Сталинның харызын тайылбырлавышаан, «Эстерейкхше фолькоштимме» солунунун айтып турары болза, эш И. В. Сталинның харызы делегейниң үш дугаар дайынның үндүренинге талаштык белекелди чорудуп турар АКШ-тын чагырыкчы бөдүүнге аар хары болган.

Совет Эвилели атомнуг чепсекти хоругдаар дугайында негелдени каш улаа көдүрүп үндүрүшөөн, тайбын-биле бодунуң күзел-соруун тодозы-биле тайылбырлап турган—деп солун бижип турар. Ылан-ла АКШ атомнуг чепсекти хоругдаарында ойталап турар болгаш бодунуң эрте берген монополиязын камгалап алырын орадажып турар боорга, агрессорларга бүгү чепсек-биле ужуражыры-биле Совет Эвилели атомнуг чепсектиг турар ужурга таварышкан.

«Эстерейкхше фолькоштимме» солун түнел чүдүлгө эш И. В. Сталинның сөстөрүн кирипчилаан, «атомнуг бомбанын талаакчылары бир эвес оон ылай анаа монополистер эвес бис деп чүвени миннирлер болза, ам ыңчаарда атомнуг чепсекти хоругдаарына кирип болулар». «Эш Сталинның харызы болза, тайбынның херээнге чаа улуг салышкын болур болгаш бүгү делегейде тайбын дээш шамчээшкенин идишкни болур» деп солун бижип турар.

(СЭТА)

